

四庫全書

集部

欽定四庫全書

梅村集卷十五

國子監祭酒吳偉業撰

七言律詩五

過三峰藥公話舊

霜落千峰曳杖尋  
筍輿衝雨過高林  
埋書草沒松根史  
洗鉢泉流石磴琴  
萬事幾經黃葉夢  
三生難負碧潭心  
山童不省團圞話  
催打溪鐘夜未深

永平田君宗周吳故學博也袁重其識之尤展成  
司李其地相見詢袁年百有二矣索詩紀異并簡  
展成

北平車馬訪烟蘿記向夷齊廟下過百歲共看秦伏勝  
一經長在漢田何知交已料滄江少耆舊翻疑絕塞多  
聽罷袁絲數東望酒酣求作絳人歌

顧西巘侍御同沈友聖虎丘卽事

註就逍遙賦大風彥先才調擅諸公晴川兩岸憑欄外

雪嶺千尋攬轡中我昔楚江同宋玉君今吳市訪梁鴻  
芳洲杜若無能採慚愧當年過渚宮

其二

喻蜀書成楚大夫征帆萬里到江湖鄉心縹緲思黃鶴  
祖德風流話赤烏問俗駐車從父老尋山著屐共生徒  
君家自有丹青筆衰白追陪入畫圖

其三

生公石畔廣場開短簿祠荒閉綠苔山榼偶攜羣吏散

布帆無恙故人來爭傳五月登高會應改三江作賦臺  
自是野王思故里可知先賞陸機才

其四

一馬雙僮出野塘論文蕭寺坐匡床花移堦鼓青油舫  
月映行厨白石廊漫叟短歌傷老大散人長揖恕清狂  
細將朋友從頭數落落申生鳧與沈郎盟

贈松江郡侯張升衢

從江寧遷任

石城門外水東流蕭鼓千人最上頭二陸鄉園江畔樹

三張詞賦郡西樓  
油幢置酒萼鱸夜  
画舫鈎簾杭稻秋  
聞道青溪行部近  
兒童欣喜使君游

贈松郡副守涪陵陳三石

官董漕

獨上高城回首難  
揚雄老去滯微官  
湖天搖落雲舒卷  
巫峽蕭森路折盤  
廿載兵戈違故里  
千村輸輓向長安  
京江原是三巴水  
莫作郢筒萬里看

贈松郡司李內江王擔四

十月江天曉放衙  
葦城寒發錦城花  
金隄更植先人柳

玉壘重看使者車

父侍御治京口湖堤

庾嶺霜柑書憶弟

弟粵東令

曲

阿春釀夢思家

侍御避亂僑居丹陽

詩成別駕鵝溪絹廳壁風簷

醉墨斜

善寓竹

贈彭郡丞益甫

樓船落日紫貂輕坐嘯胡床雁影橫雨過笛生黃歇浦

花開夢遶發干城

舊崇邑令

龍蛇絹素爭搖筆

善書

松杏山河

已息兵

杏山人

慷慨與君談舊事夜深欣共酒杯傾

十月下澣偕九日過雲間公讌閬石蒼水齋中同

文饒諸子

百里溪山訪舊游  
南皮賓客盛風流  
文章座上驚黃絹  
名字人間愧白頭  
董相園開三徑夜  
陸生臺在九峰秋  
酒酣莫話當年事  
門外滄江起暮愁

其二

霜落南樓笑語清  
無端街鼓逼嚴城  
三江風月尊前醉  
一郡荆榛笛裏聲  
花滿應徐陪上譙  
歌殘稽阮隔平生  
歸來枕底天涯夢  
喔喔荒雞已五更



金匱要略卷十五  
贈松江別駕日照安肇開

秋盡西風鬢影蒼  
伏生經術蓋公堂  
雞聲日出秦祠遠  
鶴唳江空禹蹟荒  
二水溜澗杯酒合  
三山樓觀畫圖裝  
歸來好唱安期棗  
不夜城頭是故鄉

滇池鐃吹

碧雞臺榭亂雲中  
舊是梁王避暑宮  
銅柱雨來千嶂洗  
鐵橋風定百蠻通  
朱鳶縣小輸賓布  
白象營高掛柘弓  
誰唱太平滇海曲  
檳榔花發去年紅

其二

苴蘭城闕鬱嵒堯貝葉金書使者朝海內徵輸歸六詔  
天邊勲伐定三苗魚龍異樂軍中舞風月蠻姬馬上簫  
莫向昆明話疏鑿道人知己刮灰消

其三

靄翠奢香祠總荒蘆笙吹徹障雲黃縱擒有策新疆定  
叛服何嘗舊史亡鬼國三年勞薄伐

王師五月下殊方瀾滄肯為他人渡不許窺人有夜郎

其四

盤江西遶七星關可渡河邊萬仞山隴上舊傳收白帝  
南中今喜定烏蠻龍坑壯馬看馳驟雞足高僧任往還  
辛苦武侯停節處殘碑零落草斑斑

儒將

河朔功名指顧收身兼使相領諸侯按兵白道調神鵲  
挾妓青山駕快牛論敵肯輸楊大眼知書不減范長頭  
他年信史推儒將馬稍清談第一流

俠少

寶刀千直氣凌雲俠少新叅龍武軍  
柳市博徒珠勒馬柏堂爭妓石華裙  
招權夜結金安上挾策朝干王長君  
堪笑年年秘書客白頭空守太玄文

山居即事示王惟夏郁計登諸子

灌木清漳五畝居山崧簷果釣竿魚  
金龜典後頻賒酒麀尾燒來為著書  
對客好穿高齒屐出門常駕短轅車  
陸倕張率呼同載三月江南正祓除

九峰詩

鳳凰山

碧樹丹山千仞岡  
夫差親獵雉媒場  
五茸風動琅玕實  
三泖雲流沆瀣漿  
鳥聽和鳴巢翡翠  
花舒錦翼照文章  
西施醉唱秦樓曲  
天半吹簫引鳳凰

庫公山

庫公石礧掩莓苔  
千載陰符戰骨哀  
鐵鎖任從田父識  
玉書休為道人開  
三分舊數江東望  
二俊終非馬上才

恨殺圮橋多授受，關他劉項至今來。

神山

紫蓋青童白鹿巾，  
細林仙館鶴書頻。  
洗來丹井千年藥，  
蛻去靈蛇五色鱗。  
洞起春雲招勝侶，  
潭空秋月證前身。  
赤松早見留侯志，  
何況商顏避世人。

余山

溪堂剪燭話徵君，  
通隱昇平半席分。  
茶笋香來朝命酒，  
竹梧陰滿夜論文。  
知交倒屣傾黃閣，  
妻子誅茅住白雲。

處士盛名收不盡至今山屬余將軍

薛山

薛公高卧始何年學士傳家有墓田枉自布衣登侍從  
長將雲壑讓神仙坐來石榻蒼苔冷採得溪毛碧藕鮮  
最愛玉屏山下路月明橋畔五湖船

機山

兼葭滿目雁何依內史村邊弔陸機豪士十年貪隱遯  
通侯三世累輕肥江山麗藻歸文賦京洛浮沉負釣磯

白袷未還青蓋遠  
辨亡書在故園非

### 橫雲山

橫雲挿漢領諸峰  
雨過泉飛亂壑松  
赤壁豈經新戰伐  
丹楓須記舊游蹤  
祠荒故相江村鼓  
客散名園蘭若鐘  
莫信豢龍雲不去  
此山雲只為人龍

山有龍母祠  
又陸雲故宅

### 天馬山

一名  
干山

龍媒天馬出崑崙  
青海長留汗血痕  
此地干將騰劍氣  
何來逸足鑱雲根  
石鯨潭影秋風動

山有二石  
魚飛去

鐵笛江



聲夜雨昏

鐵崖  
葬處

芻秣可辭銜勒免空山長放主人恩

小昆山

積玉昆岡絕代無讀書臺上賦吳都君臣割據空祠廟  
家國經營入畫圖勢去河橋悲士馬詩成山館憶尊鱸  
傷心白壁投何處汗簡淒涼陸大夫

送贑州曾庭聞孝廉移家寧夏

十年走馬向天涯回首關河數暮鴉大庾嶺頭初罷戰  
賀蘭山下不思家詩成磧裏因聞雁書到江南定落花

夜半酒樓羗笛起軟裘衝雪踏鳴沙

贈何匡山

早年納節卧滄浪回首風塵鬢髮蒼陶令軍營姑孰口

大兵收溧陽  
參其軍事

謝公游墅石門莊

後僑寓溧陽太白所謂  
石門精舍即其地也

山田種罷輸常稅海國歸來認故鄉

何本  
人全歸

二月村

居春雨足官梅花發為何郎

題海虞孫子長七十壽圖

春秋註就授生徒虞仲祠前一老夫烏几看雲吟蘭閣

布帆衝雨醉菱湖空山撫操彈三峽故國興懷賦兩都  
同輩半非身健在為誰寫入煉丹圖

虞有徐神翁煉丹處

觀蜀鵑啼劇有感

并序

蜀鵑啼者丘子嶼雪為吾兄成都令志衍作也  
志衍一官遠宦萬里嚴裝愛弟從行故人送別  
上游梗塞盡室扶攜既舍水而登山甫自滇而  
入蜀北都覆沒西土淪亡身殉封疆家罹鋒鏑  
嗚呼三十六口痛碧血之何存一百八盤招游

魂而莫返無兒可托有弟言歸竄身荆棘之林  
乞食狼狽之族望蠻烟而奔走脫賊刃以崎嶇  
耻趙禮之獨全赤眉何酷恨童烏之不免黃口  
奚辜爰將委巷之謳展作巴渝之舞庾子山之  
賦傷心時方板蕩袁山松之歌行路間且唏歔  
余也老逐歡游閒逢浩唱在中年早傷於哀樂  
況昔夢重感乎交朋豈獨伍相窮來憐者有同  
聲之歎遂使雍門曲罷泣焉如亡邑之人瞻望

兄兮猶來思悲翁而不見蘭堂客散金谷詩成  
非關聽伎之吟聊當懷人之什爾

花發春江望眼空杜鵑聲切畫簾通親朋形影燈前月  
家國音書笛裏風百口悔教從鳥道一官催去墮鷺叢  
雪山盜賊今何處腸斷瑩篴曲未終

其二

江關蕭瑟片帆留策馬俄成萬里游失計未能全愛子  
端居何用覓封侯雲山已斷中宵夢絃管猶開舊日樓

二月東風歌水調鵲鴿原上使人愁

其三

平生兄弟劇流連高會南樓盡少年往事酒杯來夢裏  
新聲歌板出花前青城道士看遊戲白髮衰翁漫放顛

雙淚正垂俄一笑認君真已作神仙

劇中志衍  
兵解仙去

其四

過盡蠻江與瘴河還家有弟脫兵戈狂從劇孟千場博  
老愛優旃一曲歌紅豆花開聲宛轉綠楊枝動舞婆娑

不堪唱徹關山調血污游魂可奈何

題華山藥菴和尚畫像

和尚熊姓字魚山直諫予枝不死後入道

清如黃鵠矯如龍浩劫長摭不壞松四國難壇趨北面

千年雪嶺啓南宗

西銘復社漢月禪燈皆師令吳江時身所興起

江湖夙世歸

梅福經卷殘生繼戴顓諍論總銷隨諫草故人已隱祝

融峰

繼公隱南嶽藥公本師也

其二

西南天地嘆無歸漂泊干戈爰息機黃蘗禪心清磬冷

白雲鄉樹遠帆微全生詔獄同官在

指姜如農

乞食江城故

老稀

松陵

布衲綻來還自笑篋中血裹舊朝衣

戊申上巳過吳興家園次太守招飲郡圃之愛山

臺坐客十人同修禊事余分韻得苔字

六客堂西禊飲臺亂山高會嘯歌開塔懸津樹雨中出  
鐘送浦帆天際來同葦酒狂眠怪石前賢墨妙洗蒼苔  
右軍勝集今誰繼仗有吾家季重才

立夏日陪園次郡伯過孫山人太白亭落成置酒



分韻得人字

春盡山空鶴唳頻  
亂雲歸處鎖松筠  
江湖有道容奇士  
關隴無家出俊人  
招隱起亭吟社客  
散仙留冢醉眠身  
一瓢零落殘詩在  
誰伴先生理釣緡

得友人札詢近況詩以答之

溪堂六月火雲愁  
支枕閒窓話貴游  
王令文章今日進  
丘公仕宦早年休  
道衰薄俗甘棲遁  
才退殘書勉勘讐  
京雒故人聞健飯  
黃塵騎馬夾城頭

八風詩

并序

余消夏小園風埵然而四至雖泠泠可以折醒  
已疾而淒其怒號不能無爰居之思避其庶人  
之雌風乎聊廣其意作為此詩莊列寓言沈謝  
作賦庶以鳴候蟲而諧比竹若云俟諸輜軒則  
此不足採也

其一

東風

汴水楊花撲面迎飄飄飛過雒陽城陶潛籬畔吹殘醉

宋玉牆頭送落英  
油壁馬嘶羅袖舉  
綠塘波皺畫簾聲  
獨憐趙后身輕甚  
斜倚雕闌待月生

其二  
南風

玉尺披圖解愠篇  
相鳥高指越棠天  
終南雲出松檜響  
雙闕雨飛鈴索懸  
師曠審音吹不競  
鍾儀懷土操誰傳  
九疑望斷黃陵廟  
曾共湘靈拂五絃

其三  
西風

落日巴山素女秋  
梧宮蕭瑟唱涼州  
白團掌內恩應棄

絳蠟窓前淚未收  
隴坂征夫蘆管怨  
玉關思婦杵聲愁  
可堪並部龍驤鼓  
獵獵牙旗指石頭

其四

北風

萬里扶搖過白登  
少卿書斷雁難憑  
蕭梢駿尾依宛馬  
颯爽雄姿刷代鷹  
野火燒原青海雪  
驚沙擊面黑河冰  
愚公墮戶頭如蝟  
傳道君王獵霸陵

其五

東南風

紫蓋黃旗半壁中  
斗牛斜直上游通  
漫分漢沔魚龍陣

須仗江湘烏鵲風，捩舵引船濡口利。  
禡牙揮扇赭圻功。

試看片刻周郎火，一捲曹公戰艦空。

三國志周瑜傳註黃蓋取輕艦十舫

載燥荻枯柴，建旌旗于上，時東南風急，同時發火，燒盡北船，曹公退走。

其六

西南風

武帝雄圖邛笮開，相如馳傳夜郎回。  
巴童引節旌旄動，

焚馬隨車塵土來。堯女尚應愁赭樹，

史記秦皇西南渡淮水，浮江至湘山。

祠逢大風，幾不得渡，知是堯女使刑徒伐湘山樹赭其山。

楚王從此怕登臺，小臣欲

進乘槎賦萬里披襟，好快哉。

其七

東北風

飛廉慄怒向人間徐福求仙恨未還萬乘雨休封禪樹

史記封禪書始皇上太山遇大風雨休于大樹下

八神波斷羨門山

史三神山在渤海中

患且至則船引風而去始皇時方士皆以風為解  
○八神皆在齊北成山斗入海最居齊東北隅

蕭蕭

班馬東巡海發發嚴旌北距關錯認祖龍噫氣盛蓬萊  
咫尺竟誰攀

其八

西北風

沛宮親作大風歌往事彭城奈楚何身陷重圍逢晦冥

天留數騎脫干戈

史記項王圍漢王三匝大風從西北起折木發屋揚沙石竄冥晝晦楚軍

亂乃得遁去

威加河朔金方整地遶幽并殺氣多好祭蚩尤

耐風伯飛揚長護漢山河

贈同年嘉定王進士內三

槎浦岡頭自種田居然生活勝焦先  
赤松採藥深山隱白鶴談經古寺禪  
孺仲清名交宦絕彥方高行里閭傳  
曲江細柳新蒲綠回首銅龍對策年

其二

翠竹黃花一草堂柴門月出課耕桑  
蘓林投老思遺事  
譙秀辭徵住故鄉  
彊飯却扶芒屨健  
高歌脫帽酒杯狂  
莫嗟過眼年光易  
征調初嚴已十霜

其三

先生吟社夜留賓  
紫蟹黃雞甕面春  
萬事夢中稱幸叟

一家榜下出閒人

內三及二子皆科第而不仕

君房門第多遷改

度才名固絕倫

指上谷江夏

青史舊交餘我在  
北窓猶得岸

烏巾



其四

晚歲風流孰似君  
烏衣子弟總能文  
青箱世業高門在  
白髮遺經半席分  
正禮雙龍方矯角  
釋奴千里又空羣  
外家流輩非容易  
肯信衰宗有右軍

大中丞心康韓公九月還自淮南生日為壽

閭闔清秋爽氣來  
尚書新自上游回  
八公草木登高宴  
九日茱萸置酒臺  
兵食從容經久計  
江淮安穩濟時才  
尊前好唱南山曲  
笳鼓西風笑語開

贈李膚公五十

先德傳家歷苦辛  
汗青零落剩閒身  
雲山笑傲容遺叟  
松菊招尋見故人  
猶有田園供伏臘  
豈無書卷慰沉淪  
只看五月開樽宴  
撥刺江魚入饌新

庚戌梅信日雨過鄧尉哭剖石和尚遇大雪夜宿  
還元閣

筍輿衝雨哭參寥  
宿鳥啾鳴萬象凋  
北寺九成新妙塔

師修報恩  
塔初成

南湖千頃舊長橋  
雲堂過飯言猶在

去歲與  
師同飯

山雪夜挑燈夢未消最是曉鐘敲不寐半天松枯影蕭蕭

其二

投老相期共閑關

師有招住山中之約

影堂重到淚潺潺身居十

地莊嚴上

師初刻華藏圖

道出三峰玄要間壞衲風光青桂冷

四宜堂叢桂最盛

殘經燈火白雲閒吾師末句分明在雪裏梅

花雨後山

送許堯文之官莆陽

烏石烟巒列畫圖  
雙旌遙喜入名都  
路經鷗嶺還龍嶺  
符剖鴛湖更鯉湖  
訪舊草堂搜萬卷  
吟詩別墅補千株  
知君不淺絃歌興  
別有高樓起望壺

其二

榕陰五馬快駟驪  
親到游洋古越南  
抹麗香分魚鮑細  
荔支漿勝橘奴甘  
鮫宮月映浮春嶼  
蜃市烟消見夕嵐  
此去褰帷先問俗  
上溪秋色正堪探

感舊贈蕭明府

余年三十有一以己卯七月奉命封延津孟津  
兩王於禹州過汴梁登梁孝王臺適學使者會  
課屬郡知名士於臺上因與其人諮訪古蹟徘徊  
久之而後行逾三十三年雒陽蕭公涵三從  
道臣左官來治吾州拭目驚視云曾識余則蕭  
公乃臺上諸生中一人也感舊太息為賦此詩  
三十張旌過大梁繁臺憑眺遇蕭郎黃河有恨歸遺老  
朱邸何人問故王授簡肯忘羣彥會棄繻誰識少年裝

長卿駟馬高車夢卧疾相逢話草堂

同孫洗心郁靜巖家純祐過福城觀華嚴會

不求身世不求年二六時中小有天今日雲門纔喫棒  
多生山谷少安禪茶鐺藥臼隨時供蒲笠蕉團到處眠  
撒手懸崖無一事經聲燈火覺王前

梅村集卷十五

欽定四庫全書

梅村集卷十六

國子監祭酒吳偉業撰

五言排律

晚眺

萬壑亂烟霜浮圖別渺茫江山連楚蜀鐘磬怨齊梁  
原廟寒泉裏園陵秋草傍雁低連雨色鷺遠入湖光  
戲馬長千里歸人石子岡舟車走聲利衣食負畊桑  
欲問淮



南信砧聲繞夕陽

送吳門李仲木出守寧羗

君到南山去興元驛路長孤城當沮口舊俗問華陽  
稻近磻溪種魚從丙穴嘗殘兵白馬戍廢塢赤亭羗  
鐵鎖穿天上金牛立道傍隗囂宮尚在諸葛壘應荒  
往事英雄恨新愁旅客裝七盤遮駱谷十口隔秦倉  
黑水分榆柳青泥老鷓鴣不堪巴女曲尚賽武都王

梅花庵同林若撫話雨聯句

放策名園勝停驂客思淹

雲鳳

初涼欣颯爽入夜苦霰

靈

偉業

有待聞乾鵲無因見皎蟾

鳳

蒲荒迷鷺影花落

冷魚噉鳥語枝頭咽蟲鳴葉底潛清齋幽事足良會逸

情兼

業

貧士藏書富高人取友嚴膏騰長自卧剝啄遣

童覘北郭余偕隱東山爾共瞻

鳳

生來門是德住處水

名廉

業

觸地詞源湧推鋒筆陣鉅萬言成寸晷一字直

三縑雜佩紉蘭茝名材貢杞枏三千登甲第四十到宮

詹

鳳

仙樂清商奏天厨法酒霑使車游宛雒樓艦出沈

瀦職亞成均掌官同秘院僉含毫芸閣草挿架石渠籤

業翰染丹青障基分黑白奩望崇敦雅素氣直折壬儉

鳳道已銘鐘鼎交仍隔奎鬻雲霄三省相虎豹九關闔

業害物磨牙慘持拳炙手炎游夫空揮闔武士浪韜鈴

鳳海寓洪鑪焰民生鼎沸燭天心何叵測宸極竟危陪

業夏社松陰改周原麥秀漸詩書遭黨錮冠蓋受髡鉗

鳳暴骨巖城陷燒屯甲士殲孑民餘燹焚尺土剝滇黔

業越俗更裳珮秦風失帽檐矩衣還戎削長帶孰蜚織

絕跡違朝市全身混里閭

鳳

挈舟浮磻曲扶杖度山崦

菌閣迎寒葦茅亭帶雨苔

業

冥鴻思避弋老馬脫銜韉

朋舊從頭數篇章信口占

鳳

境奇窮想入才退苦言殢

大厯場誰擅元和體獨纖聆音嗤下里覩貌嘆無鹽好

句奚囊貯清談麈尾拈飛觴邀阮籍豎義問劉惔

業情

洽蠲苛禮形忘略小嫌詼諧文乞巧憔悴賦驅疴書擬

中郎秘香憑小史添塞蘭將滿握采菊不盈簪

鳳

紙帳

蛛絲罨紗屏蝶粉黏試茶追陸羽退筆弔蒙恬玩物高

欽定四庫全書

卷十六

居澹安心老境甜食羹調芍藥釀法製菴簽黃擘團臍  
蟹霜批巨口鮎香流金杏酢脫入玉梅腌送酒橫波艷  
調箏素手摻新聲歌緩緩沉飲醉厭厭業梅老看圍屋  
花開待放簷道人君勿愧處士我何謙鳳綠印苔間履  
青飄柳外帘池流綠岸折峰勢出墻尖業興劇神偏王  
狂來語類謔徘徊吟數過撚斷幾枯髯鳳

海螵

不肯依墻壁其如羅網偏文身疑蚪篆長髻學螺旋跼

足蟠根固容頭掩的圓但能防尾擊誰敢陷中堅氣及  
先聲取髀存裏肉捐空虛寧棄擲辛苦是連蜷處世遭  
多口浮生悞一鮮白鹽看雨後紅釀向花邊入穴鉤難  
致呼門慘不前迴腸縈鎖甲髓脚怨刀錢海粟蝸廬滿  
蟲書蜃市懸知君爾雅熟為譯小言篇

麥蠶

月令初嘗麥幽風小索絢繭絲供歲早芒刺用心勞舊  
穀憂蛾賊先農攝馬曹三眠收滯穗五色薦溪毛簇箔

同丘坻綠車借桔槔筐分南陌採縷細北宮縑奉種鷓  
鳴降輸魁蟹績高仙翁蜂化飯醉士蟻舖糟桑蠋僵應  
化永蛆卧未逃婦驚將絡緯客咽半蟬嘈纖手揉乾繭  
春綿滑冷淘非關蟲食稼恰並鳥含桃

思陵長公主輓詩

貴主徽音美前朝典命光鴻名垂遠近哀誄著興亡托  
體皇枝貴承休聖善祥母儀惟謹肅家法在矜莊上苑  
穠桃李瑤池小鳳凰鸞音青繡屣魚笏皂羅囊沉燎熏

爐細流蘇寶蓋香禊期陪祓水嶺館助條桑綠綬芄蘭  
佩紅螭薤葉璋錫封需大國喚仗及迴廊受冊威儀定  
傳烽羽檄忙司輿停鹵簿掌瑞徹珩璜婺宿明河澹薇  
垣太白芒至尊憂咄吒仁壽涕彷徨鄜邑年方幼瓊華  
齒正芳艱難愁付托顛沛懼參商文葆憐還戲勝衣泣  
未遑從容咨傳母倥急詢貂璫傳箭聞嚴鼓投籤見拊  
牀內人縫使甲中旨票支糧使者填平朔將軍帶護羗  
寧無一矢救足慰兩宮望盜賊狐篝火關山蟻潰防逍



遙師逗撓奔突冠披猖牙纛看吹折梯衝舞莫當妖氛  
纏象闕殺氣滿陳倉天道真蒙昧君心顧慨慷剖慈全  
國體處變重宗潢胄子除華紱家丞具急裝救須離禁  
闥手為換衣裳社稷仇宜報君親語勿忘遇人端退讓  
慎已舊行藏國母摩笄刺官娥掩袂傷他年標信史同  
日見高皇元主甘從殉君王入未央抽刀凌左闔申脰  
就干將噴血彤闈地橫尸紫蘂汪絕吭甦又咽瞑睫倦  
微揚裹褥移私第雷胸進勺漿誓肌封斷骨茹戚吮殘

創死早隨諸妹生猶望二王股肱羞魏相肺腑恨周昌  
賊遁仍函谷兵來豈建康六軍務面慟四海過音喪故  
國新原廟羣臣舊奉常賙主陳厭翟題湊載輜輶隧逼  
賢妃冢山疑望子岡銜哀存父老主祭失元良訣絕均  
坏土飄零各異方衣冠羸博葬風雨鵲鵲行浩劫歸空  
壤浮生寄渺茫玉真圖下髮申伯勸承筐沅浦餘堯女  
營丘止孟姜君臣今世代甥舅即蒸嘗湯沐鄉亭秩家  
門殿省郎淒涼脂粉磴零落綺羅箱宅枕平津巷街通

少府牆畫間偕妯娌曉坐向姑嫜偶語追銅雀無聊問  
柏梁豫游推插柳勝蹟是梳裝菑菑鴛鴦扇茱萸鸚鵡  
觴大庖南膳殿奇卉北花房暖閣萌蘆錦溫泉豈菹湯  
雕薪獅首炭甜食虎睛糖壯麗成焦土榛蕪拱白楊麋  
游鳩鵲觀苔沒闢難坊荀灌心惆悵秦休志激昂崩城  
身竟殞填海願難償命也知奚憾天乎數不臧累歔床  
簣語即寢園傍半體先從父遺骸始見娘黃泉母子  
痛白骨弟兄殤夙昔銅駝泣諸陵石馬荒三年修苻藻

一飯奠嵩卽寒食重來路新阡宿草長溪田延黍稼隴  
笛卧牛羊朽壤穿螻蟻驚沙起鵠鷗病樗眠廢社衰葦  
折寒塘列刹皇姑寺馱經內道場侍鬟稱練行小像刻  
沉香玉座懸朱帳金支渡法航少兒添畫燭保媼伴帷  
堂露濕丹楓冷星稀青鳥翔幡旌晨隱隱鈴鐸夜將將  
控鶴攀龍馭驂麟謁帝閭靈妃歌縹緲神女笑徜徉苦  
霧迷槐市雌霓遠建章歸鄴思五廟涉漢淚三湘柔福  
何慚宋平陽可佐唐虞淵瞻返日嵩里呌飛霜自古遭

兵擾偏嗟擁樹妨魯元馳孔亟芊季負倉黃漂泊悲臨  
海包含耻漂陽本朝端閭闕設制勝巖疆處順惇恭儉  
時危植紀綱英聲超北地雅操邁東鄉新野墳松直招  
祇祠柏蒼薤歌雖慘澹汗簡自輝煌謚號千秋定銘旌  
百禩彰秦簫吹斷續楚挽哭滄浪

附

松江張宸長平公主誄曰長平公主者明崇禎皇  
帝女周皇后產也甲申之歲淑齡一十有五皇帝

命掌禮之官詔司儀之監妙選良家議將降主時有  
太僕公子都尉周君名世顯者將築平陽以館之開  
沁水以宅之貳室天家行有日矣夫何蛾賊鴟張逆  
臣不誠天子志殉宗社國母嫡嬪慷慨死焉公主時

在穉齡御劍親揮傷頰斷腕頽然玉折實矣蘭摧賊  
以貴主既殞授尸國戚覆以錦茵載歸椒里越五宵  
旦宛轉復生泉途已宮龍髯脫而劍逐蘭薰罷殿蕙  
性折而神枯順治二年上書

今皇上九死臣妾跼踖高天髡緇空王庶申罔極  
上不許詔求元配命吾周君故劍是合王田邱第金錢

牛車錫予有加稱備物焉嗟夫乘鷄扇引定情於改  
朔之朝金情車來降禮於故侯之第人非鷗市慨紫  
玉之重生鏡異鸞臺看樂昌之再合金枝秀發玉質  
含章逢德曜於皇家迺桓君於帝女然而心戀宮帷  
神陽輦路重雲畢陌何心金榜之門飛霜殺林豈意  
玉簫之館弱不勝悲溘焉薨逝當扶桑上仙之日距  
穉李下嫁之年星燧初周芳華未歇嗚呼悲哉都尉  
君悼去鳳之不留嗟沉珠之在殯銀臺竊藥想奔月  
以何年金殿煎香思返魂而無術越明年三月之吉  
葬於彰義門之賜莊禮也小臣宸薄游京輦式觀遺

客京兆雖阡誰披拓館祁連象塚祇叩松關擬傷逝  
於子荆朗香空設代悼亡於潘令遺掛猶存敢再拜  
為之誄云○又孫承澤春  
明夢餘錄曰公主名徽姬

途中遇雪即事言懷

雪來榆塞北人去衛河西川隴方瀰漫關山正慘淒短  
衣吹帶直矯帽壓簷低渙卧舟膠浦樵歸柳斷溪危灘  
沙路失廢井草痕齊塔迥埋棹檣臺荒凍鼓輦襍輕裝  
易發書重笈難攜久病人貽藥長途友贈綈橫津船渡  
馬野店屋棲雞家訴兵來破墻嫌客亂題簣床寧有席

葦壁半無泥路遠人呼飯厨空婦乞醢白溲麤作餌綠  
糝非成釐入筋非鮭菜堆枰少棗梨山薪土銚續村釀  
瓦罌提甃莖驢如怒窺燈鼠似啼旗亭人又起草市路  
偏擠遇淖前騶唱衝風後騎嘶輿肩幾步換囊糒一夫  
齋行子誰停轡居人尚掩閨漸逢農荷鍤稍見叟扶藜  
往事觀車轂浮踪信馬蹄世應嘲僕僕我亦嘆栖栖亦  
縣初移社青門早灌畦餘生隨雁鷺壯志失虹蜺築圃  
千條柳畔田十具犁昔賢長笑傲吾道務提撕得失書



新語行藏學古稽詩才追短李畫癖近迂倪室靜閒支  
枕樓高懶上梯老宜稱漫士窮喜備殘黎有道寧徵管  
無才却薦嵇北山休誚讓東觀豈攀躋令伯親垂白中  
郎女及笄離程波渺渺別淚草萋萋憶弟看雲遠思親  
望樹迷書來盤谷友夢向鹿門妻蹭蹬吾衰矣飄零歸  
去兮萼蘆三泖宅花鳥五湖堤著屐尋廬嶠張帆入剡  
溪江南春雨足把酒聽黃鸝

贈家園次湖州守五十韻

清切推華省風流擅廣陵俊從江左造賢比濟南徵經  
學三公薦文章兩府稱北門供奉吏西掖秘書丞月俸  
鴉翎鈔春衣鳳尾綾賜酺班上膳從獵賦奇鷹粉署勞  
偏著仙曹跡屢陞赤囊條每對黃紙詔親承乞外名都  
重分符寵命仍爭傳何水部新拜柳吳興城闕晨船動  
旌旗瑞靄凝射堂青嶂合訟閣絳霞蒸教出漁租減詩  
成紙價增笙歌前隊引賓客後車乘石戶樵輸粟銀塘  
女採菱水嬉鉤卷幔社飲鼓分棚急雨溪諠碓斜陽岸

矚冒宗盟高季札史局慨吳兢官退囊頻澀年侵鏡漸  
憎鹿皮朝擁卷松火夜挑燈舊業凋林薄殘身瘦石稜  
彈琴伐木澗荷鍾種瓜塋撥刺魚窺網偷晴鳥避矰已  
耽畊稼隱幾受黨碑懲寥落依兄弟艱難仗友朋殷勤  
書一紙離別思千層逸爵斟佳醕綈袍製異繒蠶忙供  
杼軸茶熟裹絨膝族姓叨三謝詞場繼二應軟宜陪魯  
衛賦僅半鄒滕謙抑君胡過慚惶我曷勝長絨招鄭重  
短策跂飛騰好士公投轄尋山客擔簦登竹溪春澹蕩梅

隴雪峻嶒孤館披襟坐危欄送目凭嵐光浮翠黛塔勢  
界金繩為政崔元亮相逢皇甫曾蘭橈輕共載蠟屐響  
同登笛冷荒臺妓鐘沉廢寺僧趙碑娟露滴顏壁壯雲  
崩衰至容吾放狂來敢自矜雄談若是戰良會酒如澠  
楚澤投劉表江樓謁庾冰故交當路遍前席幾人曾妄  
把歡游數癡將好夢憑懷人吟力健觀物道心澄雅意  
通臺素閒愁托剡藤折花貽杜牧採菊寄王弘瑱屑陳  
篇蠹歆邪醉墨蠅非云聊以報舍此亦何能

賦得西隱寺古松

次葉初菴韻  
贈陸翼王

誰將東海月掛在一株松偃蓋荒祠暗槎枒蘚石封寒  
生高士骨瘦入定僧容絕頂危巢鸛奔枝破壁龍盤根  
供客踞掃葉認仙蹤風寂吹常謬泉枯灑若淙性孤千  
尺傲材大百年慵葛相堪同卧秦皇耻再逢鹿芝香作  
供鶴草錦成茸影出層雲外霜天落曉鐘

梅村集卷十六

欽定四庫全書

集部

梅村集卷十七至十九

詳校官內閣中書臣陸湘

助教臣常循履勘

總校官知縣臣楊懋珩

校對官中書臣程琰

謄錄監生臣汪兆珠

欽定四庫全書

梅村集卷十七

國子監祭酒吳偉業撰

五言絕句

子夜詞

人采蓮子青妾采梧子黃  
置身宛轉中纖小歡所嘗

其二

憶歡教儂書少小推無力  
別郎欲郎憐修牋自雕飾

其三

夜涼入空房侍婢待除裝枕前鈎不下知未解衣裳

子夜歌

歡是南山雲半作北山雨不比薰爐香纏綿入懷裏

其二

夜夜枕手眠笑脫黃金釧傾身畏君輕背轉流光面

其三

故使歡見儂儂道不相識曾記馬上郎挾彈門前立



其四

微笑佯牽伴低頭悞弄絃  
衆中誰賣眼又說是相憐

其五

雙纏五色縷與歡相連  
愛尚有宛轉絲織成合歡帶

其六

淺碧魚文纈輕紅杏子花  
比來糝束素加上木蘭紗

其七

儂如機上花春風吹不得  
剪刀太無賴斷我機中織

其八

紅羅複斗帳四角垂明珠明珠勝明月月落君躊躇

其九

指冷玉簫寒袖長羅袂溼此夜坐匡床春風無氣力

其十

夜色吹衣袂新聲出絳紗相逢更相認銀燭上鉛華

其十一

舞罷私自憐腰肢日嬋嬋總角諸少年虧他只言好

其十二

玉枕湘文簾金爐鳳腦烟君來只病酒辜負解香鈿

其十三

出門風露寒歡言此路去妾夢亦隨君與歡添半臂

子夜歌

代友人  
答閨妓

白玉絳羅圍枝頭荔子垂待儂親用手緩緩褪紅衣

其二

郎來索糖霜莫持與郎喫郎要口頭甜不如是嘗蜜

其三

榕樹參天長郎栖在何處隨郎不見榕累儂望鄉樹

其四

綠葉吐紅苗紗窻月影高侍郎郎不至落得美人蕉

其五

拂手慈悲樹相牽話生死為郎數還期就中屈雙指

其六

橄欖兩頭纖終難一箇圓縱教皮肉盡腸肚自然堅

采石磯

石壁千尋險江流一矢爭曾聞飛將上落日弔開平

新翻子夜歌

歡今穿儂衣窄身添扣扣欲搔麻姑爪教歡作廣袖

其二

含香吐聖火碧縷生微烟知郎心腸熱口是金博山

其三

歡有領下貂與儂覆廣額脫儂頭上珠為歡嵌寶石

其四

龍團與羊酪相逢土風異為歡手煎茶調和見歡意

南苑應

制

熊館發雲旌春蒐告禮成東風吹紫陌千騎暮歸營

讀漢武帝紀

岱觀東迎日河源西問天晚來雄畧盡巫蠱是神仙

讀光武紀

雷雨昆陽戰風雲赤伏符始知銅馬帝遠勝執金吾

蕭何

蕭相營私第他年畏勢家豈知未央殿壯麗只棲鴉

偶見

合歡金縷帶蘇合寶香薰欲展湘文袴微微蕩畫裙

其二

背影立銀荷瓊肌映綺羅燭花紅淚滿遮莫為心多

古意

歡似機中絲織作相思樹儂似衣上花春風吹不去

題畫

亂瀑界蒼崖松風吹雨急石廊虛無人高寒不能立

六言絕句

偶成

南山不逢堯舜北窓自有羲皇智如樗里何用窮似黔婁不妨

其二



張良貌似女子李廣恂恂鄙人祖龍一擊幾中猿臂善射如神

其三

異錦文繒歌者黃金白璧蒼頭諸生唇腐齒落終歲華冠敝裘

其四

寶帳歲鞋雲漾象床刻鏤花深破盡民間萬室遠踰禁物千金

其五

韓非傳同老子蘇侯坐配唐堯今古一丘之貉不知誰  
鳳誰臬

其六

雍齒且加封爵田橫可誓丹青願得無忘堂阜相看寧  
識神亭

其七

織薄吹蕭豐沛拍張狂叫風雲朝領白衣隊主暮稱黑

稍將軍

其八

雅擅潘文樂旨妙參羊體嵇心畫虎雕龍染翰高山流  
水彈琴

其九

東部督郵恣橫北門待詔窮愁莫舉賢良有道且求刀  
筆封侯

其十

食其長為說客夷甫自謂談宗著書一篇雋永緩頰四座從容

其十一

趙壹恃才倨傲褊衡作達疎狂計吏恣睢卿相布衣笑罵侯王

其十二

厨下綠葵紫蓼盤中白柰黃柑冠櫛懶施高枕樵蘇失爨清談

七言絕句一

汴梁

馮夷擊鼓走夷門  
銅馬西來風雨昏  
此地信陵曾養士  
只今誰解救王孫

其二

城上黃河屈注來  
千金堤帚一時開  
梁園遺跡銷沉盡  
誰與君王避吹臺

題歸玄恭僧服小像

豈是前身釋道安  
遇人不著鹿皮冠  
接羅漉酒科頭坐  
只作先生醉裏看

好酒

其二

金粟山人道者裝  
玉山秋盡草堂荒  
刮灰重作江南夢

一曲開元淚萬行

能詩 顧阿瑛號金粟道人  
著天寶遺事詩談庚申君事

其三

共道淇園長異材  
風欺雪壓倩誰栽  
道人掃向維摩壁

千尺蒼龍護講臺

藍竹

其四

中山絕技妙空羣  
智永傳家在右軍  
為寫頭陀新寺額

筆鋒蒸出墨池雲

工書

戲贈

窄袖輕衫便洞房  
何綏新作婦人裝  
繡囊藥結同心扣  
十里風來袴褶香

其二

梅根冶後一庭幽  
桃葉歌中兩槩留  
管是夜深嬌不起

隔簾小婢喚梳頭

其三

香銷寶鴨月如霜  
欲罷擣蒲故拙行  
倦倚局邊佯數子  
暗擡星眼擲兒郎

其四

仙家五老話驂鸞  
素女圖經掌上看  
如共王喬舊相識  
鍊方從乞息肌丸

其五



玉釵仍整未銷黃笑看兒郎語太狂翻道玉人心事懶  
厭將雲雨待襄王

其六

戒珠琥珀間沉檀弟子班中玉葉冠君是惠休身法喜  
他年參學贊公壇

其七

蔬譜曾刪鮪議書一齋鮮菜定何如玉纖下筋無常味  
珍重虞公數十車

其八

懶梳雲髻罷蘭膏一幅羅巾紫玉縹  
不向弓彎問消息  
誤人詩句鄭櫻桃

其九

內家紈扇縷金函萬壽花開青鳥銜  
贈比乘鸞秦氏女  
銀泥裙子鳳皇衫

其十

橫塘西去窈娘還畫出吳山作楚山  
笑語阿戎休悵望

莫愁艇子在溪灣

亂後過湖上山水盡矣感賦一絕

柳榭桃蹊事已空  
斷槎零落敗垣風  
莫嗟客鬢重游改  
恰有青山似鏡中

聽朱樂隆歌

少小江湖載酒船  
月明吹笛不知眠  
只今憔悴秋風裏  
白髮花前又十年

其二

一春綠管唱吳趨得似何哉此曲無自是風流推老輩  
不須教染白髭鬚

其三

開元法部按霓裳曾和巫山窈窕娘見說念奴今老大  
白頭供奉話岐王

其四

誰畫張家靜婉腰輕綃一幅美人蕉會看記曲紅紅笑  
喚下丹青弄碧簫

其五

長白山頭蘆管聲  
秋風吹滿雒陽城  
茂陵底事無消息  
迤邐檀槽撥不成

其六

楚雨荆雲雁影還  
竹枝彈徹淚痕斑  
坐中誰是沾裳者  
詞客哀時庾子山

觀棋

深院無人看劇棋  
三郎勝負玉環知  
康瓠亂局君王笑

一道哥舒布算遲

其二

小閣疎簾枕簟秋  
晝長無事為忘憂  
西園近進修宮價  
博進知難賭廣州

其三

閒向松窓覆舊圖  
當年國手未全無  
南風不競君知否  
抉眼胥門看入吳

其四

碧殿春深賭翠鈿  
壽王游戲玉床前  
可憐一子難饒借  
殺却拋殘到那邊

其五

玄黃得失有誰憑  
上品還推國手能  
公道世人高下在  
圍棋中正柳吳興

其六

莫將絕藝向人誇  
新勢斜飛一角差  
局罷兒童閒數子  
不知勝負落誰家

題莊橙菴小像

錦里先生住錦涇  
百花潭水浣花亭  
子雲寂寞餘奇字  
抱膝空山著一經

其二

相如書信達郫筒  
入蜀還家意氣雄  
却憶故人天際遠  
罷官嚴助在吳中

其三

把卷無人意惘然  
故鄉雲樹夢魂邊  
遙知石鏡山頭影



不及當時是少年

其四

舊朝人地擅簪纓詞賦風流妙兩京  
盡道阿兄多貴重  
杜家中弟最知名

楚雲

楚雲字慶娘余以壬辰上巳為朱子葵子葆子  
客兄弟招飲鶴洲同集則道開師沈孟陽張南  
垣父子妓有畹生者與慶娘同小字而楚雲最

明慧可喜口占贈之

十二峰頭降玉真  
楚宮袞袞采蘭辰  
陳思枉自矜能賦  
不詠湘娥詠雒神

其二

白蘋江上送橫波  
擬唱湘山楚水歌  
却為襄王催按曲  
故低紈扇簇雙蛾

其三

越羅衫子揉紅藍  
楚玉鸞雛鏤碧簪  
莫羨鴉頭羅襪好

一鉤新月印湘潭

其四

新篇下若酒頻傾  
楚潤相看別有情  
小戶漫紉還一笑  
衆中觥政自縱橫

其五

風流太守綠莎廳  
近水天桃入畫屏  
最是楚腰嬌絕處  
一雙鸛鵲起沙汀

其六

范蠡湖邊春草長  
楚天歸去載夷光  
人間別有朱公子  
騎鶴吹笙是六郎

其七

畫梁雙燕舞衣輕  
楚楚腰肢總削成  
記得錢塘兩蘇小  
不知誰箇擅傾城

其八

廬山攜妓故人留  
白社流連謁惠休  
早為朝雲求半偈  
楚江明日上黃州

山塘重贈楚雲

楚雲故姓  
陸雲間人

宣公橋畔響輕車二月相逢約玩花  
烏柏著霜還繫馬  
停鞭重問泰娘家

其二

家住橫塘小院東門前流水碧簾櫳  
五茸城外新移到  
傲殺機雲女侍中

其三

月夜分攜幾度圓語溪芳草隔雲烟  
那知閭闔千條柳

拋撇東風又一年

其四

挾彈城南控紫駟歲筵春鎖玉人留花邊別有秦宮活  
不數人間有柁侯

虞美人

咸陽宮闕早成塵莫聽歌聲涕淚頻若遇戚姬悲薄命  
幸無如意勝夫人

過魚山曹植墓

小穀城西子建祠  
魚山刻石省躬詩  
君家兄弟空搖落  
惆悵秋墳采豆枝

其二

鄴臺坐法公車令  
菑郡憂讒謁者書  
天使武皇全愛子  
黃初先已屬倉舒

釣臺

少有高名隱富春  
南陽游學為亡新  
高皇舊識屠沽輩  
何似原陵有故人

贈妓郎圓

輕靴窄袖柘枝裝舞罷斜身倚玉床  
認得是儂偏問姓  
笑儂花底喚諸郎

偶成

好把蛾眉鬪遠山  
鈿蟬金鳳綠雲鬟  
畫堤無限垂垂柳  
輸與樓頭謝阿蠻

其二

海棠花發兩三枝  
燕子呢喃春雨時  
恰似闌干嬌欲醉



當年人說杜紅兒

感舊

赤欄橋護上陽花  
翠羽雕籠語絳紗  
羨殺江州白司馬  
月明亭畔聽琵琶

贈寇白門

白門故保國朱公所畜姬也保國北行白門被  
放仍返南中秦淮相遇殊有淪落之感口占贈  
之

南內無人吹洞簫莫愁湖畔馬蹄驕  
殿前伐盡靈和柳誰與蕭娘鬪舞腰

其二

朱公轉徙致千金一舸西施計自深  
今日祇因勾踐死難將紅粉結同心

其三

同時姊妹入奚官桐酒黃羊去住難  
細馬馱來紗罩眼鱸魚時節到長干

其四

重點盧家薄薄粧  
夜深羞過大功坊  
中山內宴香車入  
寶髻雲鬟列幾行

其五

曾見通侯退直遲  
縣官今日選蛾眉  
窈娘何處雷塘火  
漂泊楊家有雪兒

其六

舊宮門外落花飛  
俠少同游並馬歸  
此地故人騶唱入

沉香火暖護朝衣

題殷陟明仙夢圖

蕉團桐笠御風行夢裏相逢話赤城自是前身殷七七  
今生贏得是詩名

下相極樂庵讀同年北使時詩卷

蘭若停驂灑墨成過河持節事分明上林飛雁無還表  
頭白山僧話子卿

下相懷古

戲馬臺前拜魯公興王何必定關中故人子弟多豪傑  
弗及封侯呂馬童

過昌國

樂生去國罷登壇長念昭王知己難流涕伐燕辭趙將  
忍教老死在邯鄲

任丘

回首鄉關亂客愁滿身風雪宿任丘忽聞石調邊兒曲  
不作征人也淚流

臨清大雪

白頭風雪上長安  
襖褐疲驢帽帶寬  
辜負故園梅樹好  
南枝開放北枝寒

阻雪

關山雖勝路難堪  
纔上征鞍又解驂  
十丈黃塵千尺雪  
可知俱不似江南

送王玄照還山

王善書畫  
兗州先生曾孫  
偶來京師  
舊廉州太守也

青山補屋愛流泉  
畫裏移家就輞川  
添得一舟乘興上

烟波隨處小游仙

其二

始興公子舊諸侯  
丹荔紅蕉嶺外游  
席帽京塵渾忘却  
被人強喚作廉州

其三

報國松根廟市開  
公侯車馬闕如雷  
疲驢一笑且歸去

刑部街前曾看來

刑部街舊廟市開處也

其四

內府圖書不計錢漢家珠玉散雲烟而今零落無收處  
故國興亡已十年

其五

布衣懶自入侯門手跡流傳姓氏存聞道相公談翰墨  
向人欲訪趙王孫

其六

朔風歸思滿蕭關筆墨荒寒點染間何似大癡三丈卷  
萬松殘雪富春山



其七

河北三公一紙書  
浪游何處曳長裾  
歸田舊業春山盡  
華子岡頭自釣魚

其八

五馬南來韋使君  
故人相見共論文  
酒闌面乞黃堂俸  
明日西山買白雲

伍員

投金瀨畔敢安居  
覆楚奔吳數上書  
手把屬鏐思往事

九原歸去遇包胥

偶見

新更梳裹簇雙蛾  
窄地長衣抹錦靴  
總把珍珠渾裝却  
奈他明鏡淚痕多

其二

惜解雙纏只為君  
豐趺羞澀出羅裙  
可憐鴉色新盤髻  
抹作巫山兩道雲

題帖

孝經圖像畫來工字格森嚴自魯公第一丹青天子孝

累朝家法賜東宮

禁本有孝經圖周昉畫顏魯公書神廟時曾發內閣重祿今在吏部侍郎

孫公處

## 其二

金元圖籍到如今半自宣和出禁林封記中山王印在

一般烽火竟銷沉

甲申後質慎庫圖書百萬卷皆宣和所藏金自汴梁輦入燕者歷元及明

初無恙除中山下大都時封記尚在今皆散失不存

## 南苑應

制

綠楊春繞栢梁臺羽蓋梢雲甲帳開知是  
至尊親講武日邊萬馬射生來

題石田畫芭蕉

一葉芳心任卷舒客愁鄉夢待何如平生枉用藤溪紙  
綠玉窓前好寫書

其二

不妨脩竹共檀欒長對蕭蕭夜雨寒却笑休文強多事

後人仍作畫圖看

口占

欲買溪山不用錢  
倦來高枕白雲邊  
吾生此外無他願  
飲谷棲丘二十年

無為州雙烈詩

為嘉定學博  
沈陶軒賦

濡須城下起干戈  
二女芳魂葬汨羅  
安得米顛書大字  
井邊刻石比曹娥

為李灌谿侍御題高澹游畫

烟雨扁舟放五湖  
自甘生計老菰蒲  
誰將白馬西臺客  
寫作青牛道士圖

題釣隱圖

贈陳鴻文

綠波春水釣魚槎  
縮項雙鯪付酒家  
忘却承明曾待詔  
武陵溪上醉桃花

梅村集卷十七

欽定四庫全書

梅村集卷十八

國子監祭酒吳偉業撰

七言絕句二

讀史偶述

射得紅毛兔似拳  
乳茶桐酒閣門前  
相公堂饌銀盤美  
熊白烹來正割鮮

其二

雪消春水積成渠，芻藁如山道不除。  
怪殺六街騶唱少，只今驄馬避柴車。

其三

新更小篆譯蟲魚，乙夜橫經在玉除。  
訝道年來親政好，近前一卷是尚書。

其四

直廬西近御書房，插架牙籤舊錦囊。  
燕寢不須龍鳳飾，天然臺几曲迴廊。



其五

閣門春帖點霜毫玉尺量身賜錦袍  
聞道尚方裁製巧  
路人爭擁看枚臯

其六

龍媒剪拂上華茵嚴助丹青拜詔新  
莫向天閑誇絕伎  
白頭韓幹竟何人

其七

新張錦幄間垂楊四角觚稜八寶裝  
藉地煖茵趺坐軟

茸茸春草是留香

其八

騰黃赭白總追風  
八匹牽來禁苑中  
毛骨不殊聲價好  
但看騎上即神龍

其九

側坐翻身馬上輕  
官家絕技羽林驚  
左枝忽發鳴髀箭  
仰視浮雲笑絕纓

其十

柳陰觀射試期門撥去胡床踞樹根徙倚日斜纔御輦  
天邊草木亦承恩

其十一

新語初成左右驚一言萬歲盡歡聲多應絳灌交歡久  
馬上先行薦陸生

其十二

松林路轉御河行寂寂空垣宿鳥驚七載金縢歸掌握  
百僚車馬會南城

其十三

西洋館宇逼城陰  
巧厯通玄妙  
匠心異物每邀天  
一笑自鳴鐘  
應自鳴琴

其十四

迴龍觀裏海棠開  
禁地無人閑  
綠苔一自便  
門馳道啓  
穿宮走馬看花來

其十五

宣壚殿盒內香燒  
禁府圖書洞府簫  
故國滿前君莫問

淒涼酒盞闌成窰

其十六

布棚攤子滿前門舊物官窰無一存王府近來新發出  
剔紅香盒豆青盆

其十七

大將祁連起北印黃腸不慮發丘郎平生賜物都燬盡  
千里名駒衣火光

其十八

琉璃舊殿虎坊西月斧修成五色泥  
遍插御花安鳳吻  
絳繩扶上廣寒梯

其十九

金魚池上定新巢楊柳青青已放梢  
幾度平津高閣上  
泰壇春望記南郊

其二十

紛紛茗酪鬪如何點就茶經定不磨  
移得江南來禁地  
迴龍小盞潑松蘿

其二十一

夜半齋壇唱步虛  
玉皇新築絳霄居  
吹笙盡是黃門侶  
別勅西清註道書

其二十二

蘭池落日馬蹄驚  
魚服揮鞭過柳城  
十萬羽林空夜直  
無人攬轡諫微行

其二十三

七寶琉璃影百層  
淪漪月色漾寒氷  
詞臣主客詩圖進

御帖親題萬壽燈

其二十四

玉砌流泉繞碧渠  
晚涼紈扇軟金輿  
采蓮牒子江南弄  
太液池頭看打魚

其二十五

龍文小印大如錢  
別署齋名自記年  
畫就烟雲填寶篆  
欲將金粉護山川

其二十六



渭園千里送賢雷嫩穉青青道正長夜半火來知走馬  
尚方藥物待新篁

其二十七

新設椒園內道場雲堂齋供自焚香大官別有伊蒲饌  
親割鸞刀奉法王

其二十八

直廬起草擅能文被詔含毫寫右軍賜出黃驄銀鑿落  
天街徐踏墨池雲

其二十九

霜落期門喚打圍  
海青帽煖去如飛  
鴛鴦信至纔游幸  
不比和林避暑歸

其三十

鶴鶉錦袋出懷中  
玉粒交爭花毯紅  
何似平章荒葛嶺  
諸姬蟋蟀鬪金籠

其三十一

綠翹聰慧換新粧  
比翼丹山小鳳皇  
巧舌能言金鎖愛

賜緋妬殺雪衣娘

其三十二

廣南異物進駝雞錦背雙峰一寸齊只道紫駝來絕塞

雞林原在大荒西

雞高三尺花冠翠羽背有雙峰似駝之內鞍也

題沙海客畫達摩面壁圖

松風拂拂水泠泠參得維摩止觀經從此西來真實義  
掃除文字重丹青

題二禽圖

舊巢雖去主人空剪雨捎風自在中却笑雪衣貪玉粒  
羽毛憔悴閉雕籠

詠柳

贈柳  
雪生

走馬章臺酒半醒遠山眉黛自青青輸他張緒誇年少

柳宿傍邊占小星

柳星張三  
宿同度

其二

十五盈盈擅舞腰無言欲語不能描武昌二月新栽柳

破得工夫闢小橋

時有喬姬  
亦擅名

其三

萬條拂面惹行塵  
選就輕盈御柳新  
枉自移生空設醴

可憐青眼屬誰人

穆君初與雲遇  
為畫眉人所奪

其四

玉笛聲聲喚奈何  
柳花和淚落誰多  
灞橋折贈頻回首

惆悵崔郎一曲歌

崔郎主人  
歌童也

送友人出塞

吳茲受  
松陵人

魚海蕭條萬里霜  
西風一哭斷人腸  
勸君休望令支塞

木葉山頭是故鄉

其二

此去流人路幾千  
長虹亭外草連天  
不知黑水西風雪  
可有江南問渡船

雜題

白袷春衣繫隱囊  
少年吹笛事寧王  
武昌老者如相問  
翻得伊州曲幾行

靈巖山寺放生雞

芥羽狸膏早擅場爭雄身屬鬪雞坊從今喚醒夫差夢  
粉蝶低飛過講堂

其二

縛柵開籠敢自專雲中誰許作神仙如來為放金雞赦  
飲啄浮生又幾年

其三

敢效山雞惜羽毛卑栖風雨自三號湯泉夜半蓮花湧  
佛號鐘聲日未高

其四

雞足峰頭夜雨青  
花冠錦臆影亭亭  
老莊談罷疎窓冷  
閒向山僧學聽經

口占贈蘓崑生

樓船諸將碧油幢  
一片降旗出九江  
獨有龜年卧吹笛  
暗潮打枕泣蓬窓

其二

有客新經墮淚碑  
武昌官柳故垂垂  
扁舟夜半聞蘆管



猶把當年水調吹

其三

西興哀曲夜深聞絕似南朝汪水雲回首岳侯墳下路  
亂山何處葬將軍

其四

故國傷心在寢丘  
蒜山北望淚交流  
饒他劉毅思鵝炙  
不比君今憶蔡州

蕪生固始人即  
楚相寢丘也

讀史有感

彈罷薰絃便薤歌南巡翻似為湘娥當時早命雲中駕  
誰哭蒼梧淚點多

其二

重壁臺前八駿蹄歌殘黃竹日輪西君王縱有長生術  
忍向瑤池不並棲

其三

昭陽甲帳影嬋娟慚愧恩深未敢前催道漢皇天上好  
從容恐殺李延年

其四

茂陵芳草惜羅裙  
青鳥殷勤日暮雲  
從此相如羞薄倖  
錦衾長守卓文君

其五

玉靶輕弓月樣開  
六宮走動射鵬才  
黃山院裏長生鹿  
曾駕昭儀翠輦來

其六

為掣瓊窓九子鈴  
君王晨起婕妤醒  
長楊獵罷離宮閉

放去天邊玉海青

其七

上林花落芳尊不死鉛華只死恩  
金屋有人空老大  
任他無事拭啼痕

其八

銅雀空施六尺床  
玉魚銀海自茫茫  
不如先拂西陵枕  
扶下君王到便房

為楊仲延題畫冊

歷陽山下訪潛夫  
指點雲峰入畫圖  
為讀劉郎廳壁記  
過江烟雨作姑蘇

偶得

莫為高貲畏告緡  
百金中產未全貧  
只因程鄭吹求盡  
却把黔婁作富人

其二

家居柳市匿亡逃  
輕俠為生舊鼓刀  
一自赤車收趙李  
探丸無復五陵豪

其三

金城少主欲還家  
油犢車輕御苑花  
望斷龍堆無雁字  
黑河秋水弄琵琶

題畫

澤潞千山遶訟堂  
江程到日海城荒  
王郎妙手驅名勝  
廳壁雲生見太行

其二

八詠樓頭翠萬重  
使君家傍洞門松  
不知尺許蒼茫裏

誰是雙溪第一峰

其三

臺池蕭瑟故園秋  
庾嶺朱輪感昔游  
文采尚存先業廢  
紙窓風雨寫滄洲

其四

太守囊惟賣畫錢  
琴書長在釣魚船  
長官近欲知名姓  
築屋江村擬種田

夜游虎丘

次顧西嶽  
侍御韻

試劍石

石破天驚出匣時中宵氣共斗牛期  
魚腸葬後應飛去神物沉埋未足奇

王珣故宅

捨宅風流尚可追王郎別墅幾人知  
即今誰令桓公喜正是山花欲笑時

千人石

碧樹朱欄白足僧相攜劉尹與張憑  
廣場月出貪趺坐



天半風搖講院燈

顏書石刻

魯公戈法勝吳鉤  
決石錐沙莫與儔  
火照斷碑山鬼出  
劍潭月落影悠悠

劍池

百尺靈湫風雨氣  
星星照出魚腸字  
輓轡夜半語空中  
無人解識興亡意

可中亭

白石參來共此心  
一亭矯立碧潭深  
松間微月窺人澹  
似識高賢屐齒臨

悟石軒

築居縹緲比良常  
有客逢僧話石廊  
仙佛共參唯此石  
白蓮花發定中香

後山月黑不見

畫燭燒來入翠微  
更邀微月映清輝  
欲窮千里登臨眼  
笑約重游興不違

戲題士女圖

一舸

霸越亡吳計已行  
論功何物賞傾城  
西施亦有弓藏懼  
不獨鴟夷變姓名

虞兮

千夫辟易楚重瞳  
仁謹居然百戰中  
博得美人心肯死  
項王此處是英雄

出塞

玉關秋盡雁連天  
碛裏明駝路幾千  
夜半李陵臺上月  
可能還似漢宮圓

歸國

董逃歌罷故園空  
腸斷悲茄付朔風  
贖得蛾眉知舊事  
好修家傳報曹公

當壚

四壁蕭條酒數升  
錦江新釀玉壺冰  
莫教詞賦逢人買  
愁把黃金聘茂陵

墮樓

金谷粧成愛細腰  
避風臺上五銖嬌  
身輕好向君前死  
一樹穠花到地消

奔拂

歌舞侯門一見難  
侍兒何得脫長安  
樂昌破鏡翻新唱  
換取楊公作舊官

盜綃

令公高戟妓堂開  
黃耳金鈴護綠苔  
博浪功成倉海使

緣何輕為美人來

取盒

銅雀高懸漳水流月明飛去女諮謀何因不取田郎首  
報與官家下魏州

夢鞋

玉釵敲斷紫鸞雛消息聲華滿帝都能致黃衫偏薄倖  
死生那得放狂夫

驪宮

天上人間恨豈消  
雙星魂斷碧雲翹  
成都亦有支機石  
烏鵲難填萬里橋

蒲東

背解羅襦避月明  
乍涼天氣為多情  
紅娘欲去喚鐘動  
扶起玉人釵半橫

題寒香勁節圖壽袁重其節母八十

東籬漉酒泛芳樽  
處士傳家湛母恩  
傲盡霜花長不落  
籜龍風雨夜生孫

烏棲曲

沉香為竿錦為牽白玉池塘翡翠船芙蓉翻水鴛鴦浴  
盧郎今夜船中宿

讀陳其年邗江白下新詞

漫寫新詞付管絃臨春奏妓已何年笑他狎客無才思  
破費君王十萬箋

其二

鈿轂珠簾燕子忙宮人斜畔酒徒狂阿麼枉奏平陳曲



水調風流屬窈娘

其三

落日青溪載酒時  
靈和垂柳自絲絲  
沈郎莫作齊宮怨  
唱殺南朝老妓師

其四

冶習春來興未除  
豔情還作過江書  
長頭大鼻陳驚坐  
白裕諸郎總不如

題思翁倣趙承旨筆

余山雲接弁山遙蒼雪扁舟景色饒羨殺當時兩文敏  
一般殘墨畫金焦

李青城七十有六以自壽詩積閨平分已耄年之  
句索和余題一絕贈之

詞家老宿號山農移得青城八九峰細數餘分添甲子  
黃楊千歲敵喬松

偶成

關河蕭索暮雲酣流落鄉心太不堪書劒尚存君且住

世間何物是江南

題冒辟疆名姬董白小像

并引

夫笛步麗人出賣珠之女弟雉臯公子類側帽  
之參軍名士傾城相逢未嫁人諧嫵婉時遇漂  
搖則有白下權家蕪城亂帥阮佃夫刊章置獄  
高無賴爭地稱兵奔迸流離纏綿疾苦支持藥  
裹慰勞羈愁苟君家免乎勿復相顧寧吾身死  
耳遑恤其勞已矣夙心終焉薄命名留琬琰跡

寄丹青鳴呼鍼神繡罷寫春蚓於烏絲茶癖香  
來滴秋花之紅露在軼事之流傳若此奈餘哀  
之惻愴如何鏡掩鸞空絃催雁冷因君長恨發  
我短歌詒以八章聊當一嘅爾

射雉山頭一笑年相思千里草芊芊偷將樂府窺名姓  
親擊雲璈第幾仙

其二

珍珠無價玉無瑕小字貪看問妾家尋到白隄呼出見月

明殘雪映梅花

余向贈詩有今年明月長  
洲白之句白隄即其家也

其三

鈿轂春郊鬪畫裙捲簾都道不如君  
白門移得絲絲柳  
黃海歸來步步雲

其四

京江話舊木蘭舟憶得郎來繫紫騮  
殘酒未醒驚睡起  
曲闌無語笑凝眸

其五

金步四庫全書  
卷十八  
青絲濯濯額黃懸巧樣新粧恰自然入手三盤幾梳掠  
便攜明鏡出花前

其六

念家山破定風波郎按新詞妾唱歌恨殺南朝阮司馬  
累儂夫壻病愁多

其七

亂梳雲髻下粧樓盡室倉黃過渡頭鈿合金釵渾拋却  
高家兵馬在揚州

其八

江城細雨碧桃村  
寒食東風杜宇魂  
欲弔薛濤憐夢斷  
墓門深更阻侯門

又題董君畫扇

過江書索扇頭詩  
簡得遺香起夢思  
金鎖澀來衣疊損  
空箱須記自開時

其二

湘君浥淚染琅玕  
骨細輕勻二八年  
半折秋風還入袖

任他明月自團圓

古意

爭傳婺女嫁天孫  
纔過銀河拭淚痕  
但得大家千萬歲  
此生那得恨長門

其二

豈寇梢頭二月紅  
十三初入萬年宮  
可憐同望西陵哭  
不在分香賣履中

其三



從獵陳倉怯馬蹄  
玉鞍扶上却東西  
一經輦道生秋草  
說著長楊路總迷

其四

玉顏憔悴幾經秋  
薄命無言祇淚流  
手把定情金合子  
九原相見尚低頭

其五

銀海居然妬女津  
南山仍錮慎夫人  
君王自有他生約  
此去惟應禮玉真

其六

珍珠十斛買琵琶  
金谷堂深護絳紗  
掌上珊瑚憐不得  
却教移作上陽花

倣唐人本事詩

聘就蛾眉未入宮  
待年長罷主恩空  
旌旗月落松楸冷  
身在昭陵宿衛中

其二

錦袍珠絡翠兜鍪  
軍府居然王子侯  
自寫赫躡金字表

起居長信閣門頭

其三

藤梧秋盡瘴雲黃  
銅鼓天邊歸旆長  
遠愧木蘭身手健  
替耶征戰在他鄉

其四

新來夫婿奏兼官  
下直更衣禮數寬  
昨日校旗初下令  
笑君不敢舉頭看

題錢黍谷畫蘭

為袁重  
其襟祝

謝家燕子鬱金堂  
玉樹東風遶砌長  
帶得宜男春鬪草  
衆中推讓杜蘭香

其二

北堂萱草戀王孫  
膝下含飴阿母恩  
錯認清郎貪卧雪  
生兒強比魏蘭根

題王石谷畫

綠樹參差倚碧天  
波光潋灩尚湖船  
烟巒自遶王維墅  
不必重參畫裏禪

其二

初冬景物未蕭條紅葉青山色尚嬌一幅天然圖畫裏  
維摩僧寺破山橋

梅村集卷十八